


平江縣志

10
2-18-15
05

40270.79
25
01-10



平江縣志序



世福堂
余道齋

邑之有志猶國之有史也
其山川形勝物產蕃昌風
俗淳漓戶口登耗與夫人
文之盛衰制度之興廢沿
草胥於志焉悉之而或考

平江縣志

序

訂無稽或附會失實則憑
私臆為記載其何以信今
傳後壬申秋余捧檄來權
平篆旋補授茲邑竊念平
雖山陬幕阜連雲三峰九
曲其間名人傑士之挺生

忠孝節義之輩出表而彰
之以備輜軒之採固守土
者責也乃於簿書之暇檢
閱舊志則自乾隆二十年
纂修後距今六十年矣物
換星移舊板既漫漶無存

卷帙亦迄無完本訪諸紳
耆知前任謝公筮軒以鞅
掌之餘秉筆點勘有時過
於謹嚴又因調任繁劇携
稿丹鉛遺漏亦所不免況
歲已周甲事實人物之疊

出者既庶且多若不及時
重加修輯其何以備掌故
資採擇哉爰於甲戌夏商
之學博余君定夫集邑中
紳士酌議重修諸紳士籌
畫至再公舉編輯者若而

人掌局者若而人分校者
若而人採訪者若而人設
局纂修網羅放失踵舊增
新為卷二十有六部分類
從蓋一邑二十六都之事
蹟粲若列眉矣願嘗論之

夫志識也不廣采則固陋
貽譏不徵實則浮夸取誚
論次時事考證前聞於古
每不能什伍而近亦僅得
什七則慮其誣臧否無憑
是非罔據戶曾閱而人夷

惠婦少君而女夏侯則慮
其妄余自勞形案牘深愧
乏古人之才識然於此竊
凜：焉猶幸局中諸君勤
加考訂不以謹嚴傷刻不
以浮游失真則據是編以

採風問俗即謂是邑文獻
之一徵也可

嘉慶二十一年歲次丙子

季春月湖南岳州府平江

縣知縣陳增德撰

癸酉科拔貢候選教諭邑

人黃德豐書



明隆慶己巳舊志序

隆慶戊辰冬予銜命出憲楚岳甫閱月屬邑平江尹夏子子諒謁予於公署持所錄邑乘八卷乞予爲序且曰茲太翁起泉公手澤也子諒蒞邑以來卽有志於茲而莫可爲據偶於邑縉紳舊家得翁墨本讀之敘斷法戒潤演而粟考究編摩縝密以博忻然愜素懷焉然又以時易勢殊或有行於昔而阻於今宜於今而悖於前者爰延邑獻暨庠諸生參酌考訂錄成將鳩工授梓矣緣太翁未竟之業試一言以承先志可乎予受而潛然注下如眩如癡久之拭淚以語曰

平江縣志

卷之一

舊序

嗟嗟文之顯晦豈亦有數哉先君子自嘉靖辛丑博平江悼邑之典章無稽乃與邑庠士邱子萬瓊余子大淳等謀之共成此志時予方弱冠日夕侍鉛槧知先君子誠苦心矣慎以移官晉陽業未竟就詎意迄今三十載得夏子而始成之顧先君子手澤幸不終淹而邑之大典後世之成憲係焉敢謂遽可傳哉雖然志者記也記其已往以冀其將來者是故秩官有表選舉有表讀秩官者寧無稱塞之思乎讀選舉者寧無壯行之思乎封域有志則山川風俗具在也寧無豪傑之興乎賦役有志則輸將盈縮具在也寧

無民隱之慮乎名宦人物有傳則先民往哲具在也
寧無尚友之志乎引而伸之觸類而長之隻字片言
皆吾取益之地也否則徒閱其文藝焉耳徒考其事
跡焉耳譬陟崇巒者羨其輝覽春妍者采其華而夜
光秋實莫之悉焉抑左矣故苟可以彰軌政之善物
也是烏可後之昔孔子歎夏殷之禮能言而謂杞宋
無徵以文獻之不足今是編也討論修飾夏子暨諸
大夫之功居多況邇來雋髦彬彬輩出固一時之獻
也後之達人大觀庸心典章者并取而徵之亦豈非
傳舊之一助也耶隆慶三年己巳春孟望日湖廣按

平江縣志

舊序

察司僉事奉勅整飭上江防兵備道監察御史蜀瀘
李惟觀

隆慶己巳舊志又序

憲使賓吾李公予同志友也一日馳使澧中以新成
平江志示予且曰此先君子博平江時遺筆也君其
爲我序之時予方與諸生論學亟讀未竟輒歎曰讀
斯志也可以知仁孝之道焉小子識之諸生曰志以
記事事以傳信惟文獻是徵而曰仁孝者何也曰夫
動有必先意有必至精神所注微而必彰文士爲文
雖出入典墳上下屈宋採英擷奇馳騁不可方物而

其志之所存當理與否卒不能逃於具眼之觀焉何者其文可工其神不可得而掩也歐陽公讀李翱文其中奧語雄辭爲世所奇者皆一無所取而獨取幽懷賦以爲憂天下之所爲至歎息不已恨不與之同時然則古人之所重於文者豈惟其文而已哉今讀起泉先生之志平江也開卷而語曰錄其治安以志民樂也錄其亂危以志民苦也且欲以邑而例觀天下嗟乎厚哉其仁民之志之所發乎假令先生得志設施則豈肯忘天下之憂樂而私其身圖者哉先生爲博士僅遷一令而未究厥施是故託之文焉以見

平江縣志

舊序

三

志則是編之微可識矣志之所載若品核之精文質之稱不具論論其大者如秩官選舉記也而銜鑑之權存焉封域建設賦役記也而經濟之略存焉名宦人物記也而賢哲之思存焉其事要其義微而其究皆歸於政教之實蓋無非憂天下者之所爲乎予從賓吾公得聞先生爲人好古而博雅信達而樂於施仁則先生之所以踐諸身而措之辭者固有所自矣雖然先生之志之得以明於天下後世者則有賓吾公爲之子也賓吾公忠誠直毅爲御史則讜論表於朝端爲僉憲則洪猷沛於澤國舉凡先生之有是志

而未究所施者則已繼述恢宏之而其託之文焉以自見者亦已措諸行事若是其彰明較著矣是志也創於嘉靖辛丑距今凡三十禩而未及梓傳使不得賓吾公纘緒而成之豈不湮晦遺亡使先生苦心歸於空華幻夢而已哉然則祇成先德以爲永世之圖使後之人見其書而思其義先生仁民之志得托之以垂諸無窮者則賓吾公之所以孝於其親而因以施及於民者也故曰是志也可以觀仁孝之道焉諸生恍然曰吾師之言偉哉是可以與此志並傳矣遂書以序之隆慶辛未仲夏端陽日太中大夫湖廣布

平江縣志

舊序

四

政司右參政前工科都給事中四明馮成能

崇正庚辰舊志序

歲在庚辰月臨春仲不佞豹從信州遷跡昌江維時舊令入覲去而蒼水林堂翁尚未經借寇卽同寅海瀛馮君亦未有臨帥迪諸衿獨六虛王君傾蓋相依寒甍共對泊如也居無何君出昌江邑乘示予曰此先年陶令君所修以病去未獲卒業茲卷帙猶存散落殊多蒙上臺屢索卒無以應今請採輯而梓焉何如予拜手曰此一邑文獻所徵正守先待後之寄修之不容緩矣然君不任之誰復任之君於是旁搜廣

詢悉力較讎卽溽暑不輟爰授饗殮登諸梨棗閱三月而事竣漫漶者補遺佚者收亥豕者訂犂然周詳煥然明備遂爲一邑不朽完書雖藉陶本開其端哉而殫力捐俸集其大成凡今之所爲者蓋甚難耳雖然君意更有屬焉誠見夫昌雖僻處實亦巖邑財賦卽不甲一郡而非彈黑者也幕阜連雲三峰九曲山川之攢簇非不秀特也道未墜地文固在茲凡與於斯文者多英尤敏異又非不人人自比管樂家家多有董賈也然而功名鼎盛邇來稍不逮前何也豈誠責在人事抑造物之鍾靈產異不大聚則不大發庸

知夫今日者非天之儲而蓄之久而大之使天下第一流文章事業一時鵬徙蟬聯有以大煥山川圖史之光乎然則是志也先達如在之英爽於是焉式憑後來休嘉之偉業於是乎光烈焉已君所以不遺餘力以克全其美者其有挾先後之精神以俱動者也如僅曰考其軼事問其風土集諸已往傳信將來猶是典故中糟粕耳君意固不止於是而徵文徵獻者可毋徒作是觀也予不敏借光樂觀厥成若先覺有屬名世其誰尚庶幾旦暮遇崛起之人哉崇正十三年庚辰秋八月之吉岳州府平江縣儒學教諭金谿

胡文豹

國朝乾隆乙亥舊志序

史鑑爲資治之書然在州邑吏治所資則史鑑不如志乘之爲尤切蓋史鑑通論天下大勢而志乘獨於此土利弊指掌興除罔或濫焉况史鑑見聞本之策府亦必由州邑志乘探徵志乘之作顧不重歟平邑志乘自

國初來歷任纂修皆弗竣局乾隆癸亥陞令通守謝公開局復修竣矣而尚俟考訂攜藁未刊庚午壬申文成兩蒙委視平篆雖爲期甚短然念志闕掌藏時殷

平江縣志

舊序

六

補輯之想去臘復以庖代奉檄來平夙願務酬爰檢文卷取開局後官紳氏籍營繕措施與士庶雜呈乘春祀餘閒手爲彙冊函齎通守隨於入省面請丹鉛始終載筆通守每定一藁輒商文成俾參末議總所論撰以示一統加領

皇言以存舊章外贅附考中閒爲目輿圖事紀全志起收擘畫經綸胥於此寓星野而下若沿革山川疆域但卽輿圖溯天文分地脈著厥源流次之城池公署次之學校祀典均輿地創建而保民表位明倫事神義麗以行於是而厚生則賦役積貯物產盈虛劑量之

有其術也於是而正德則風俗儀禮奢儉訓飭之有其規也受此而牧者爲秩官而名宦以崇之兵防則其武者毓此而秀者爲選舉而人物以珍之列女則其內者他如寺觀宅其幽古蹟傳其勝藝文觀其言論而聽其歌謠二十四目訖於事紀緒餘未竟雜誌竟之夫平之爲邑當幕阜之麓雄深阻固江西湖北交錯犬牙週遭六七百里室廬櫛比畝澮鱗差人衆情繁事會盤錯誠由邑之所急而稽志之所詳智略猷爲古今輻輳以云吏治亦庶幾於是而備矣文成三蒞此都懼無以報

平江縣志

舊序

七

聖恩而遵

憲訓兢兢惟吏治之圖思取資於志乘而陞令通守先得我心所同然懷稟十二年遷調頻仍不懈其排纒之力相與增續考訂授梓告成旣以爲吏治之資亦以豫

策府之採而仰維我

朝煥巍謨烈淪浹深仁以平山陬簡帙恭陳欽熙庶績百年吏治沐浴陶成一邑而然例之天下州邑莫不其然然則志乘在

隆盛之代身見堯舜稽首颺言又豈徒取資之謂且更

非史鑑盱衡往昔之所得而同孰云州邑掌藏可任其闕抑或菲薄體裁漫等稗官之記載哉文成喜志之竣夙願以酬也聊書鄙見於卷端乾隆二十年歲次乙亥中元節前二日署平江縣事桐城石文成乙亥舊志又序

志文事也故作志必文人以仲坑謏陋何敢言志然曩者嘗爲當事作惠州長寧府縣二志矣見夫前之作者盡文人也而侈於文序記詩章居所志十之七山川亦必題詠之蹟人物亦必風雅之林或誇淹博於禽魚或恣談諧於鬼怪統全志之旨大率以文爲

歸外此無三致意焉心竊疑之爰求古本得楊少宰起元惠志於脈望灰中雖簡斷篇殘而治亂災祥忠孝廉節財賦登耗營建廢興溯委窮源旨歸猶約略可識蓋不如所見之但侈於文仲坑於是揭其旨歸以成二志而自是作志之難遂常惕惕於方寸矣

今上乾隆辛酉之歲仲坑由常寧調令平江取平志無之吏以邑人抄刻進與曩所覽惠州長寧志繁簡又覺懸殊夫平望邑也志顧若是歟癸亥春簿書稍閒則與邑之紳士商議纂修官任增刪推舉才而德者分司採訪既設局授之筆札俾以見聞陸續開呈維時

仲玩審案公出奔走省郡之閒刻無暇晷隨攜局稟
輯之館舍舟車朝暮數條每竟一端重加論次而是
歲之臘仲玩又奉

題調衡陽部覆欽依移劇有日乃彙全稟竭蹶告成爲
志二十三爲圖紀各一冠以

皇言綴之附攷爲卷二十有七其中質而寡文知貽文人
之誚惟是治亂災祥忠孝廉節財賦登耗營建廢興
曩所揭旨歸於惠州長寧二志者今者於平無非此
義庶幾政教攸繫上備

輜軒之採次供典故之藏而所見心疑惕惕方寸亦冀

於茲免焉耳抑仲玩於茲更有爲平慮者宋元世遠
無徵矣粵稽前明以來邑志纂修鮮能終局秉筆令
長非遷擢則解組更代頻仍豈發洩精華山靈所忌
耶不然何修而中罷數百載若同符致使冒濫潛滋
爭稱遺帙紛然莫可究詰也然則是役也局開而官
調猶然往轍堪虞惟仲玩以惕惕方寸不懈此衷務
俾傳信而在局才德勤事維勤最著者如鍾紳興誥
之存舊聞唐紳允是之言公道彭生其位溯沿革而
綜古今之變唐生文理歷疆域而探山水之源其彭
生昌鳳童生先及旣廣蒐羅於前後嚴校對於後是

以勞而克濟厥功以收儻撤局半途則廢筆迭起前車之監寧第所云文人之侈文而已哉今仲玩捧檄行泛蒸湘不獲三復編摩經理剗剔念此終年寒暑與平紳士共費心血得有成書且紀在

盛朝雖百里莫匪同風之盛鋪揚熙皞作之尤難謹要其旨歸臚其巔末爲後之君子告若夫起例發凡參同考異經緯事目備在簡篇覽者評定茲不自文乾隆八年歲次癸亥臘八日文林郎知平江縣事紀錄二次陽春謝仲玩謹序

乙亥舊志記略

平江縣志

舊序

十

邑志自乾隆癸亥春開局發凡起例從在局紳士所長分類授編彙稟旣齊適予有衡陽之調則於未奉檄前併力纂刪是臘趣裝志亦告竣焉然雖粗有成書尚俟考訂故未付梓而亦不忍棄捐仍攜笥中公餘筆削越一歲予解綬閒居岳陽太守休寧黃公聘修岳志平爲岳屬深幸攜行之稟可藉折衷維時尹平者鉛山楊君亦手書相勗并云邑有義紳梨棗助之又越歲岳志就緒平志乃次第討論甫及半功而予復被

召匆遽入都楚旋視篆營道治劇衡山嗣以擢倅苗疆攝

戎溪河南登北走僕僕刑錢笥中之帙無復寸陰餘
閒得一檢覈矣前三四年旅寓會城平尹如蘇君陸
君皆先後耑函以稟當開雕惟節年人地事宜須再
增續願予始終其成時予方銜恤東歸此事詎能肩
任今春服闋從粵來楚欽遵

諭旨請咨

入覲平之紳士詣省而求謂此志一邑見聞百年典故乞
必增續發刊以垂來茲署尹桐城石君且以公牘附
齋冊卷取便勾稽夫以紳士之踴躍如彼石君之誠
切如此予忝茲土舊吏又何敢固辭爰遲行期謝絕

平江縣志

記略

十一

賓客除凡例志目悉如前稟外其秩官選舉宦賢風
蹟及諸所建置政教科條迭出者益之遷隸者移之
撤罷者朽壞者依類而縷注之有因點竄而動及上
下全文者有因添補而參及前後並見者此緣增續
爲有事而亦有不緣增續字句斟酌改易其初者蓋
舉全志而通考訂之每定一篇悉與石君商榷郵筒
往復互出心裁而曩時預局諸君已半凋謝惟彭章
二子終事校讎凡五閱晦朔乃鐫板訖事統開局之
始計之則轉折銓次歷一紀十二年而後成所云作
志之難難固若斯哉志之大旨昔有序言今不再序